

Euskal AEko txikizkako sektoreko salmentak %6,6 hazi ziren 2004ko hirugarren hiruhilekoan

Hirugarren hiruhilekoaren datu horiekin, 2004ko lehenengo hiru hiruhilekoetako hazkunde nominala %4,7an kokatu zen, aurreko urteko aldi beraren aldean.

Eustatek emandako datuen arabera, Euskal AEko txikizkako merkataritzaren sektorean, 2004ko hirugarren hiruhilekoan, salmentak %6,6 igo ziren, kopuru nominaletan, aurreko ekitaldiko hiruhileko beraren aldean. Hazkunde nominal hori, kopuru errealetan, %5,4ko bilakaera positiboa izan zen.

2004ko lehenengo bederatzi hilabeteetan, sektore honetako salmenten bilakaerak %4,7ko hazkunde nominala izan zuen, 2003ko aldi beraren aldean. Balio errealetan, lehen hiru hiruhilekoen hazkunde metatua %3,7ra iritsi zen.

URTE ARTEKO HAZKUNDE-TASA ERREALAK. EUSKAL AE

URTEA	HIRUHILEKOA	TXIKIZKAKOA	ESPEZIALIZATUA	EZ-ESPEZIALIZ. (AZAL. ERTAIN ETA HANDIAK)
2002	III	9,6	12,0	4,7
	IV	6,5	8,4	3,3
2003	I	4,2	4,7	3,0
	II	2,1	2,2	1,8
	III	2,1	2,1	2,1
2004	IV	2,8	3,1	2,3
	I	1,5	1,2	2,0
	II	4,3	6,8	-0,5
	III	5,4	6,9	2,5

Iturria: EUSTAT

Gune ertain eta handietako txikizkako salmentak (ez-espezializatua) %5,8 hazi ziren balio nominaletan, aurtengo hirugarren hiruhilekoan. Prezioen igoeraren eragina kendu eta gero, urte arteko tasaren aldakuntza %2,5ekoa izan zen, aurreko urteko hiruhileko beraren aldean.

Tradiziozko txikizkako merkataritzaren (espezializatua) salmenta nominalak %7,0 handitu ziren 2004ko hirugarren hiruhilekoan, 2003ko aldi beraren aldean. Gehikuntza nominal hori, prezioen bilakaera kontuan hartuta, %6,9koa dugu, kopuru errealetan.

Txikizkako sektorearen salmenta nominalek hirugarren hiruhilekoan izan zituzten hazkundeek erritmo berdina izan zuten Araban eta Gipuzkoan (%5,0, kasu bietan) eta

gehiago hazi ziren Bizkaian (%7,9). Balio errealetan, antzeko hazkundeak izan ziren Araban (%3,6) eta Gipuzkoan (%3,8), eta are handiagoa Bizkaian (%6,8).

2004ko hirugarren hiruhilekoan txikizkako merkataritzaren sektorean ziren landunen aldetik, urte arteko %-0,2ko hazkundeak izan zen (aurreko urteko hiruhileko beraren aldean) Euskal AEko guztizkorako. Herrialdeka, honakoak izan ziren datuak: Araban %0,5 gutxitu ziren, Gipuzkoan %0,3 eta Bizkaian ez ziren aldatu (%0,0).

Argibide gehiagorako:

Euskal Estatistika-Erakundea / Instituto Vasco de Estadística

Donostia-San Sebastian kalea, 1. 01010 Vitoria-Gasteiz

Tel.: +34-945 01 75 00 Faxa: +34-945 01 75 01 E-maila: eustat@eustat.es

Harremanetarako pertsona: Gerardo Perez Aja

Tel.: +34-945 01 75 06. Faxa: +34-945 01 75 01

Prentsa-oharrak Interneten: www.eustat.es

Datu-bankua: www.eustat.es/bancopx/euskara/indice.asp